

Leano la Lekunutu

Sage Bionetworks ("Sage Bionetworks, "re," kapa "rona") ke mokgatlo wa 501(c)(3) wa diphuputso tsa meriana ya sebayoloji o sa etseng phaello o United States, e qapuwe ho ntlafatsa kamoo bafuputsi ba sebetsanang le ho rarahana ha tlhahisoleseding ya sebaelaji ya motho le kalafo ya lefu.

Re qapile webosaete le epo ya diselefouno ("webosaete ya MindKind" le "Epo ya Phuputso ya MindKind") ho thusa ho hlophisa phuputso ya rona ya MindKind ("Phuputso"). Re batla ho tseba hore na batho ba qetang ho kena dilemong tsa ho ba batho ba baholo ba ikemiseditse ho sebedisa epo ya mehala ya thekeng (Epo ya Phuputso ya MindKind) ho rekota bophelo ba bona bo botle ba kelello. Hape re batla ho tseba hore na ke datha efe eo batjha ba ikemiseditseng ho fana ka yona molemong wa phuputso hona jwang. Tlhahisoleseding ena e tla re thusa ho etsa qeto ya hore na datha e bokeletsweng ka Epo ya Phuputso ya MindKind e ka sebediswa ho etsa pokello ya datha ya phuputso ya lefatshe lohle e amanang le Bophelo bo Botle ba Kelello. Phuputso ya MindKind le Epo ya Phuputso ya MindKind di reretswe basebedisi ba seng ba fihlile dilemong tsa molao (pakeng tsa dilemo tse 16 le 21 ho itshetlehile ka melao ya sebaka sa heno), ba ka tlaase ho dilemo tse and, ba dulang naheng eo Epo ya Phuputso ya MindKind e fumanehang.

Ditaba tsa hao tsa lekunutu ke tsa bohlokwa ho rona. Leibole ya Lekunutu e o fa lesedi le itseng la mekgwa ya ya Sage ya ditaba tsa lekunutu kahara Webosaete ya MindKind le ho Epo ya Phuputso ya MindKind. Ho ithuta ho eketsehileng, bala leano le feletseng le ka tlaase.

Leibole ya Lekunutu

Pokello ya Datha

- Na re bokella mekgahlelo ya datha e ka tsosang maikutlo a bohloko, jwaloka tlhahisoleseding ya bophelo bo botle?.....Ee
- Na re bokella datha ka ho iketsahalla sesebedisweng sa hao?Ee
- Na re fihlella dintlha tsa batho bao o ikgokahanyang le bona, difoto kapa tlhahisoleseding e nngwe ya botho e bolokilweng founng ya hao?Che

Tatello

- Na re sebedisa dikhukhi?Che
- Na re bokella tlhahisoleseding ya standard log?Ee
- Na re latella sebaka sa hao ka kotloloho?..... Che
- Na re latella diketso tsa hao tsa ho boraosa ho Diepo tse ding?.....Che
- Na re o mamela ha o sebedisa maekrofouno wa sesebediswa sa hao? Che
- Na re o shebella ha o sebedisa khamera ya sesebediswa sa hao?..... Che

Sebedisa le ho Aba Datha

- Na re rekisa kapa re hirisa ka datha e fumanwang ho tlhahisoleseding ya botho?Che
- Na re abela ba bang tlhahisoleseding ya hao ya botho?Ee, ka tumello ya hao
- Na re aba tlhahisoleseding yohle e ntshitsweng boitsebahatso?Ee
- Na re sebedisa datha ya hao bakeng sa ho bapatsa?Che

- Na re fetisa/boloka datha ya hao naheng e nngwe?Ee, naheng ya US

Dithulusi le Dikhontrola tsa ho Boloka Lekunutu

- Na o ka laola hore na ke mang ya bonang datha ya hao? Ee
- Na o ka kopa ho fihlella le ho daonloda datha ya hao?Ee
- Na re hlakola datha ha o re kopa ho etsa jwalo?Ee
- Na re boloka datha ya hao hafeela re e hloka ntle leha o kopa hore re e hlakole?.....Ee

Puisano

- Na re fana ka tsebiso haeba re etsa diphetoho Leanong la rona la ho Boloka Lekunutu?Ee
- Na re romela di-push notification?Ee, haeba o kgetha ho kena
- Na re romela dipuisano?Ee, haeba o kgetha ho kena

Leano le Feletseng la ho Boloka Lekunutu

Leano lena la ho boloka lekunutu le hlalosa pokello ya rona ya datha ya botho ha o nka karolo Phuputso o sebedisa Webosaete ya MindKind le/kapa Epo ya Phuputso ya MindKind, tshebediso le tshenolo ya rona ya datha ya hao ya botho, le mehato eo re e nkang ho sireletsa datha ya hao ya botho. “Datha ya botho” e bolela tlhahisoleseding efe kapa efe e amanang le ho motho wa tlhaho ya senotsweng kapa ya ka senolehang ka kotloloho kapa ka tsela e sa tobang.

Setheo se ikarabellang ka pokello le tshebetso ya datha ya hao ya botho ha ho buuwa ka Phuputso, Webosaete ya Phuputso ya MindKind le Epo ya Phuputso ya MindKind ke Sage Bionetworks, 2901 Third Avenue North, Suite 330, Seattle, WA 98121, United States.

Moemedi wa phuputso India ke:

- Soumitra Pathare, MD, DPM, MRCPsych, PhD - Centre for Mental Health Law and Policy - Indian Law Society, India

Moemedi wa phuputso Afrika Borwa ke:

- Melvyn Freeman, MA Clin Psych - Higher Health, Afrika Borwa
- Zukiswa Zingela, MMed Psych, FCPsych, Department of Psychiatry and Human Behavioral Sciences - Walter Sisulu University, South Africa

Moemedi wa phuputso UK ke:

- Mina Fazel, DM MRCPsych - Lekala la Mahlale a Bophelo bo Botle, Lefapha la Mafu a Kelello, Yunivesithi ya Oxford, England
- Tasmin Ford, CBE, FRCPsych, FMedSci - School of Clinical Medicine, Lefapha la Mafu a Kelello - Yunivesithi ya Cambridge, England

Tshebediso ya hao ya webosaete ya MindKind le/kapa Epo ya Phuputso ya MindKind le bonkakarolo ba hao Phuputsong ke tsa boithaopo. Ka ho sebedisa webosaete ya MindKind le/kapa Epo ya Phuputso ya MindKind le ho nka karolo Phuputsong, o

dumellana le mekgwa ya ho boloka lekunutu e hlalositsweng leanong lena la ho boloka lekunutu.

Tlhahisoleseding Eo Re e Bokellang

Ka kakaretso, re bokella tlhahisoleseding yohle eo o re fang yona ka kotloloho. Ka tumello ya hao, re boetse re bokella tlhahisoleseding ka ho iketsahalla ha o sebedisa webosaete ya MindKind le/kapa Epo.

Re KE KE ra fihlella batho bao o ikgokahanyang le bona, dinepe tsa hao, dingolwa kapa melaetsa ya imeile e sematefounong ya hao. Re tla bokella feela tlhahisoleseding eo o e fang MindKind.

O Mang ("Tlhahisoleseding ya Mosebedisi")

Re bokella tlhahisoleseding eo o re fang yona nakong ya tumello e bontshang kutlwisiso le tshebetso ya ho qala akhaonte, le ngollano efe kapa efe eo o bang le yona le rona.

- **Tlhahisoleseding ya Boikgokahanyo:** Sena se ka akarelletsa lebitso la hao, imeile, nomoro ya mohala le tlhahisoleseding efe kapa efe e nngwe eo o re abelang yona e le hore re ka arabela ha o kopa tshehetso, o na le dipotso le ditshwaelo.
- **Ho tsoaneleha:** Re botsa dipotso ho netefatsa hore dintho tsohle di lokile hore o nke karolo Phuputso le ho sebedisa Epo ya Phuputso ya MindKind. Phuputso e reretswe batho ba pakeng tsa dilemo tse 18 (16 ha o le UK) le tse 24. Re ka nna ra kopa dilemo tsa hao ho tiisa hore o moholo ka ho lekaneng hore o ka sebedisa Epo ena.
- **Tumello e bontshang kutlwisiso:** Tshebetso ya tumello e bontshang kutlwisiso e hlalosa Phuputso ya MindKind. O tlameha ho dumela ho kenela le ho sebedisa Epo. Re botsa dipotso ho netefatsa hore kutlwisiso ya hao le ho rekota dintho tseo o di kgethang. Re ka boela ra bokella tshaeno ya hao ya elektronike ho netefatsa qeto ya hao.
- **Ho qala akhaonte:** Re bokella tlhahisoleseding ya motheo ya akhaonte ho qala profaele ya hao le ho o fa phihlello ya Epo ya Phuputso ya MindKind. Sena se ka akarelletsa lebitso la mosebedisi, phasewete, le aterese ya hao ya imeile.

Seo o se etsang ha o sebedisa Epo ("Datha ya se Etswang")

Hang ha o kenela phuputso ya MindKind, re tla bokella tlhahisoleseding e amanang le bophelo ba hao bo botle le boitekanelo ba hao ka dipatlisiso le datha e nngwe eo o re fang yona.

Dipatlisiso tsa bophelo bo botle

E le karolo ya phuputso ya MindKind, re tla o botsa mabapi le bophelo ba hao bo botle ba kelello le boitekanelo. Dipotso tsena tsohle ke tsa boikgethelo. O ka feta dipotso dife kapa dife tseo o sa lakatseng ho di araba.

Datha e Bokellwang ka Passive Sensor

O ka kgetha ho kena kabong ya datha e bokellwang ka passive sensor Ena ke datha e rekotwang ka disensara tse sebedisweng sa hao. Ka mohlala, boemo ba lebone le lesehla, screen time le dipalopalo tsa beteri. O ka etsa qeto ya hore na ke datha efe e bokellwang ka passive sensor eo o batlang ho e aba ka ho fetola diseting tsa sesebediswa sa hao.

Tlhahisoleseding ya Setekgenike le difaele tsa ho kena ("Datha ya se Etswang")

Neng kapa neng ha o sebedisa tshebeletso ya inthaneteng, tlhahisoleseding e itseng e ka qapuwa le ho kenngwa ka ho iketsahalla; ho a tshwana ha o sebedisa webosaete ya MindKind kapa o daonloda le ho sebedisa Epo ya Phuputso ya MindKind. Ka mohlala, re kanna ra bokella letsatsi le nako tsa ho sebedisa Epo le maqephe ao o keneng ho wona. Ha re bokella tlhahisoleseding ya ho sebedisa dikhokhi, di-beacon kapa kgatiso ya monwana ya sesebediswa.

Lebaka leo ka lona re bokellang datha ena

Re bokella datha ena ho etsa, ho boloka le ho ntlafatsa phuputso ena, webosaete ya MindKind le Epo ya Phuputso ya MindKind, hore re kgone ho ngollana le wena, le ho re thusa ho thaotha bankakarolo ba eketsehileng ha nako e ntse e feta. Hape re bokella datha ena ho imatahanya le melao ya naha le ya dinaha tse kopaneng le ho thibela le ho sebetsana le maemo a tlhekefetso kapa qhekello.

Kamoo re sebedisang tlhahisoleseding eo re e bokellang

Re tla sebedisa tlhahisoleseding ya hao ya btho feela kamoo re hlalositse kateng mona.

Tlhahisoleseding ya Mosebedisi le Datha ya se Etswang

Ho phaella ho e sebediseng bakeng sa phuputso ya saense, re sebedisa tlhahisoleseding eo re e bokellang ka webosaete ya MindKind le/kapa Phuputso ya MindKind.

Epo ya efe kapa efe ya tse latelang:

- Ho tiisa hre webosaete le/kapa Epo di sebetsa ka nepo.

- Ho ntlafatsa webosaete le/kapa Epo le ho nolofatsa tshebediso ya yona. Ka mohlala, ho hopola tlhahisoleseding eo o e kentseng e le hore e se ke ya tlameha ho kenngwa hape.
- Ho ikopanya le wena bakeng sa merero ya tsamaiso kapa ho arabela dikopong, dipotsong kapa dingongorehong
- Ho o bolella dintlha tse eketsehileng mabapi le diphuputso tse ding kapa thepa eo o ka nnang wa e thahasella.

Datha ya tshebediso

Re sebedisa datha ya tshebediso bakeng sa merero e latelang:

- Ho boloka, ho sireletsa le ho ntlafatsa webosaete le/kapa Epo.
- Ho fumana le ho lokisa ditshitiso disistemeng tsa rona
- Ho etsa manollo ya dipalopalo tsa mekgwa ya tshebediso
- Ho opareita, ho boloka, ho ntlafatsa le ho fana ka ditshobotsi tsohle tsa webosaete le/kapa Epo.

Tsela eo re sebetsang tlhahisoleseding eo re e bokellang ka Epo

Re sebetsa tlhahisoleseding eo re e bokellang ka Epo ya Phuputso ya MindKind. Ena ke mehato eo re e nkang ho sebetsa tlhahisoleseding ya hao:

1. Re arola tlhahisoleseding ya akhaonte ya hao jwaloka lebitso le nomoro ya mohala ho datha ya phuputso e kang dikarabo tsa hao ho dipotso.
2. Re o abela khoutu ya phuputso ka lotho. Re kenya khoutu ena ho datha ya hao ya phuputso. Senotlolo se amahanyang khoutu ena le lebitso la hao se bolokwa sebakeng se ka thoko, se bolokehileng.
3. Re kopanya datha ya hao ya phuputso e kentsweng khoutu (ntle ho lebitso la hao) le datha ya phuputso e kentsweng khoutu e tswang ho batho ba bang ba phuputsong ena kapa diphuputsong tse ding Re sebedisa datha e kopantsweng bakeng sa phuputso ya rona.
4. Re boloka datha ya phuputso eo re e bokellang ho Synapse. Synapse ke polatefomo ya phuputso e thehilweng ho cloud, moo bafuputsi ba tswang ho motshehetsi ka ditjhelete, dihlopha tsa phuputso le balekane ba phuputso ba fihlellang le ho manolla datha teng. Re ka nna ra tlaleha diphetho tsa phuputso ya rona ka diboloko kapa dikgatiso tsa saense. Lebitso la hao le ke ke la hlahella diphethong tseo re di tlalehang.

Re boloka datha ena ka nako e kae

Re boloka Tlhahisoleding ya Mosebedisi, ho kopanyelletsa le Tlhahisoleding ya Botho, hafeela ho hloka hloka ho fana ka ditshebeletso tsa rona le ho phetha merero efe kapa efe e meng eo tlhahisoleding eo qalong e ileng ya bokellwa ka yona, ntle le haeba ho hloka ke molao o sebetsang. Ka mohlala, re tla boloka tlhahisoleding ya ho kena ya mosebedisi hafeela akhaonte ya mosebedisi e sebetsa. Basebedisi ba ka nna ba lokisa tlhahisoleding ya bona kapa ba ntsha tlhahisoleding ya bona ka ho ikgula phuputsong ho diseting tsa profaele. Re tla boloka le ho faela rekoto ya diketso tsa mosebedisi tseo a di entseng ha akhaonte e ntse e sebetsa hore e sebediswe bakeng sa merero ya tlhahlobo, merero e loketseng ya kgwebo, ho boloka boitlamo ba rona ba molao, ho rarollang diphapang le ho tiisa hore ditumellano le maano aa phethiswa.

Re tla boloka tlhahisoleding ya botho, ho kopanyelletsa le rekoto ya hao ya tumello le tlhahisoleding ya akhaonte, le datha ya phuputso bakeng sa phuputso ya kamoso ka nako yohle ya projeke ya MindKind. Ha o ikgula phuputsong, re tla hlakola datha ya botho ya akhaonte ya hao le tlhahisoleding ya botho, empa re tla boloka datha ya phuputso e seng e ntse e bokeletswe. O ka boela wa kopa ka ho hlakileng hore re hlakole akhaonte ya hao ya botho le datha ya phuputso, mme re tla tlotla kopo eo.

Kamoo re senolang tlhahisoleding kateng

Bafani ba Ditshebeletso

Re ka nna ra sebetsa le barekisi, bafani ba ditshebeletso, le balekane ba bang ho fana ka hardware, software, marangrang, poloko le theknoloji ya bohlokwa e hlokehang ho opareita, ho tshehetsa le ho ntshetsapele Phuputso, Webosaete ya MindKind le/kapa Epo ya Phuputso ya MindKind. Re tlama bafani bohle ba ditshebeletso ho sebetsa tlhahisoleding feela ha ba etsa mesebetsi lebitsong la Sage Bionetwork le ho boloka tshireletso le lekunutu la tlhahisoleding e jwalo ka ho sebedisa mehato e lekaneng ya setekgenike le ya tlhophiso. Ha re dumelle bafani ba ditshebeletso ho sebedisa kapa ho senola tlhahisoleding ya basebedisi, ntle leha ho hloka hloka mosebetsing oo re ba kopileng ho o etsa. MindKind e sebedisa bafani ba latelang ba ditshebeletso:

- Litšhebeletso tsa Amazon Web

Ho Imatahanya le Melao

Re ka nna ra fana ka tlhahisoleding haeba re tlangwa ke molao ho etsa jwalo. Ka mohlala, hore re imatahanye le melao ya naha kapa dinaha tse ikopantseng, ho arabela ho taelo ya lekgotla, sapina kapa warante, kapa ho sebedisana le makala a sepolesa kapa a mang a mmuso.

Re ka nna ra fana ka tlhahisoleding eo re dumelang, kannete, hore e nepahetse:

- Ho itshireletsa kgahlanong le ho jara boikarabelo

- Ho itshireletsa kgahlanong le qhekello, tlhekefetso le tshebediso kapa diketso tse sa tsamaisaneng le molao
- Ho batlisisa le ho itshireletsa kgahlanong le ditleleimi kapa diqoso tsa batho ba boraro
- Ho sireletsa tshireletso kapa botshepehi ba Epo ya Phuputso ya MindKind, webosaete ya MindKind le Phuputso le mehaho efe kapa efe kapa thepa e sebediswang ho etsa Epo ya Phuputso ya MindKind, webosaete ya MindKind, kapa Phuputso e teng
- Ho sireletsa thepa ya rona kapa ditokelo tse ding tsa molao (ho kopanyelletsa le ho tiisa hore ditumellano tsa rona di phethiswe, empa ha ho felle moo), kapa ditokelo, thepa kapa polokeho ya ba bang. Re tla o tsebisa ka ditshenolo dife kapa dife tsa mofuta oo.

Phetiso ya Kgwebo

Haeba Sage Bionetworks e wela tlasa tsamaiso kapa ho ba le phetoho ya kgwebo jwaloka ho kopanngwa le kgwebo e nngwe, e kwalwa, e rekiswa, e sebedisana le kgwebo e nngwe, kabelo, phetiso, tlhophisobotjha ya bookamedi, kapa tlhophiso e nngwe ya dikarolo tsohle kapa karolo efe kapa efe ya kgwebo ya Sage Bionetworks, ke moo thepa, kapa setoko, tlhahisoleseding kapa data tsa Sage di tla fetisetswa ho motho wa boraro.

Tlhahisoleseding eo re nang le yona e tswang ho wena e ka nna ya fetiswa e le thepa ya kgwebo. Maemong a jwalo, re tla nka mehato e utlwahalang ho laela mofetisi ho sebedisa tlhahisoleseding le datha ka tsela e dumellanang le Leano lena la ho Boloka Lekunutu.

Tlhahisoleseding ya Dipalopalo le Palohare

Re ka nna ra abelana le batho ba boraro tlhahisoleseding ya dipalopalo le palohare e fumanweng ho tlhahisoleseding ya mosebedisi molemong wa manollo.

Phuputso ya Kamoso

Jwalokaha ho hlalositse ka hodimo karolong e reng “Kamoo re sebetsang tlhahisoleseding eo re e bokellang”, re tla kopanya datha ya Phuputso, ho kopanyelletsa le karabo ya patlisiso le ditekanyo tsa mesebetsi, le tsa bankakarolo ba bang Phuputsong. Datha e kopantsweng e tla fetisetswa Synapse, e leng polatefomo ya khomphiyutha ya dipatlisiso, bakeng sa manollo. Bafuputsi ba tswang moifong wa Phuputso le balekane ba bona ba sekasekang datha ka Sage Synapse (www.synapse.org) ba tla manolla datha le ho tlaleha diphumano ka diboloko kapa dikgatiso tsa saense. Phuputso ena e ka nna ya o fa menyetla ya ho kgetha ho aba datha ya phuputso ka tsela e batsi haholo, le bafuputsi ba bang lefatsheng lohle, bakeng sa tshebediso phuputsong ena le tse ding hore phuputso ya saense ya kamoso e fumane molemo. Haeba o kgetha ho aba datha ya hao ka tsela e batsi, datha ya hao ya Phuputso e kentsweng khoutu (ntle ho tlhahisoleseding ya boikgokahanyo le wena) e tla kenngwa ho sete ya datha ya phuputso e abuweng ho Synapse mme e tla etswa hore e fumanwe ke bafuputsi ba tshwanelehang bao e leng

basebedisi ba ngodisitsweng ba Synapse le ba dumelang ho sebedisa datha ka tsela ya boitshwaro bo amohelang, ho se lematse kapa ho se leke ho o hloya hape kapa ho ikgokahanya le wenahape ntle leha o kgethile ho re dumella ho etsa jwalo. Bakeng sa tlhahisoleseding e eketsehileng mabapi le mekgwa ya rona ya datha tabeng ya polatefomo ya dipatlisiso ya Synapse, sheba Leano la ho Boloka Lekunutu la Synapse.

Seo re sa se etseng

- Ha re rekise kapa ho hirisa tlhahisoleseding eo re e bokellang ka wena ntle ho tumello ya hao.
- Ha re sebedise tlhahisoleseding ya hao ya botho bakeng sa ho etsa dipapatso.
- Ha re bokella tlhahisoleseding ya ho sebedisa dikhokhi, di-beacon kapa kgatiso ya monwana ya sesebediswa.
- Re ke ke ra fihlella batho bao o ikgokahanyang le bona, dinepe tsa hao, dingolwa kapa melaetsa ya imeile e sematefounong ya hao. Ntho feela eo re e etsang ke ho bokella tlhahisoleseding eo o fanang ka yona webosaeteng ya MindKind, Epo ya Phuputso ya MindKind le Phuputso.
- Ha re sale morao baeti ba kenang webosaeteng ya MindKind le/kapa Epong ya Phuputso ya MindKind ha nako e ntse e feta le diwebosaeteng tsa batho ba bang ba raro kapa ditshebeletso tsa inthaneteng ho fana ka papatso e rerilweng, ebile ha re arabele ka kotloloho matshwaong a Do Not Track ("DNT").

Kamoo re sireletsang tlhahisoleseding kateng - Tshireletso ya datha

Sage Bionetworks e boloka mehato ya maemo a indasteri ya dintho tsa sebele, tlhophiso, setekgenike le ya tsamaiso e le ho sireletsa tlhahisoleseding ya botho eo re e bokellang, re e bolokang, kapa eo re e sebetsang e amanang le phuputso. Sena ke ho fokotsa dikotsi phihlello, tshenyo, tshenolo, tshebediso e mpe, phetoho kapa tahleho tse etsahalang ka kotsi, ka tsela e seng molaong kapa ntle ho tumello. Mehato ya ho sireletsa datha ke motswako wa dikgetho tsa Ditheknoloji tse Ntlafatsang Poloko ya Lekunutu kapa Privacy-Enhancing Technologies (PET) le maano/mehato ya ho tshwara datha. Ho ntse ho le jwalo, ha ho na tikoloho e bolokehileng 100%

Ditsebi tsa ho boela di hlwaya batho di ka nna tsa kgona ho tshetjhisana mehato ya rona le/kapa boiteko ba ho o hlwaya hape haeba ba fuwe tlhahisoleseding e lekaneng ya ho etsa ditshupiso tse bontshang kamano. Taba ya mohlokalebitso e ke ke ya tiiswa.

Ditokelo le dikgetho tsa hao

O na le ditokelo le dikgetho tse amanang le datha ya botho eo re e bokellang le ho e boloka mabapi wena. O ka nna wa kopa ho fihlella le ho amohela tlhahisoleseding e amanang le datha ya botho eo re e bolokang e mabapi le wena. O ka nna wa kopa hore datha ya hao ya botho e lokiswe, e kginwe kapa e hlakolwa haeba e sa nepahala, e fosahetse kapa e se

nakong. Kamora kopo ya hao, re tla sebetsana le potso ya hao kamoo ho hlokwang ke molao o sebetsang.

Neng kapa neng, o ka kgetha ho se fane ka phihlello ho pokello ya datha efe kapa efe ya tshebediso ya selefouno ka ho tjheolla diseting tse loketseng Epong ya Phuputso ya MindKind kapa mohaleng wa hao wa thekeng.

O ka tswa Phuputsong ka nako efe kapa efe le ka lebaka lefe kapa lefe. Haeba o ka rata ho etsa jwalo, o ka ikopanya le motho eo ho ikgokahanngwang le yena naheng ya heno ya thathamisitsweng ka hodimo kapa wa romela imeile ho moifo wa phuputso mane US ho MindKindSupport@sagebionetworks.org. O ka boela wa ikgula ka ho kgetha konopo ya "Withdrawal" ka kotloloho Epong ya Phuputso ya MindKind. Re tla kgetha akhaonte ya hao mme re kgaotse ho bokella datha e ntjha ho tswa ho wena. Re tla arabela kopo ya hao ya ho ikgula nakong ya kgwedi e 1 kamora ho e amohela. Ho seng jwalo, datha ya hao ya phuputsong e entsweng hore e se ke ya tsejwa, e kentsweng khoutu, eo o faneng ka yona pele o ikgutla e tla dula Phuputsong.

O kanna wa **kgetha ho tswa tabeng ya ho amohela dipuisano tsa phuputso** tse tswang ho rona ka ho tobetsa linke ya "unsubscribe" e kenyelleditsweng puisanong ka nngwe ya mofuta oo kapa ka ho re tsebisa ka imeile ho MindKindSupport@sagebionetworks.org ka lentse "remove" moleng wa sehlooho, mme re tla tlosa dintlha tsa ho ikopanya le wena letotong la batho bao re ba ngollang.

Ho etsa kopo e amanang le datha ya botho eo re e tshwereng mabapi le wena, kapa haeba o na le dipotso tse mabapi le ditokelo le dikgetho tse amanang le tshebetso ya datha ya hao, ka kopo ikopanye le Ofisiri ya Tshireletso ya Datha ya Sage kapa Data protection Officer (DPO) ho privacyofficer@sagebionetworks.org kapa o ngolle Sage Bionetworks, Attention: Data Protection Officer, 2901 Third Avenue, Suite 330, Seattle, WA 98121, USA. Ka kopo lemoha hore leha diphetoho dife kapa dife tseo di etsang di tla bontsha didathabeiseng tsa mosebedisi ya ikakgetseng ka setotswana nakong e utlwahalang, re ka nna ra boloka tlhahisoleseding yohle eo o e rometsweng bakeng sa dibekapo, pokello, thibelo ya qhekello le tlhekefetso, dimanollo, kgotsofatso ya ditlhokeho tsa molao, kapa moo ka ho utlwahalang re dumelang hore re na le lebaka le utlwahalang la ho etsa jwalo, jwalokaha ho dumellwa ke molao o sebetsang.

Haeba ka sehloohong o moahi wa naha e imatahanyang le Molao o Akaretsang wa Tshireletso ya Datha kapa General Data Protection Regulation, sheba Sehloathiso sa Ditokelo tsa Datha se ka tlaase bakeng sa tlhahisoleseding e eketsehileng e amanang le ditokelo tsa hao tsa datha.

Phetiso ya ho Tshela Madiboho ya Tlhahisoleseding ya Hao

Phuputso ya MindKind e etswa dinaheng tse ngata. Datha e bokeletsweng e amanang le Phuputso, webosaete le/kapa Epo e tla fetisetswa, e sebetswe, le ho bolokwa United States. US e ka nna ya ba le melao e fapaneng ya tshireletso ya datha ya botho e sa tshwaneng le ya naha eo o qadileng ho fana ka tlhahisoleseding ena o le ho yona. Hape re kanna ra fetisa datha ya hao ho tswa United States ho ya dinaheng kapa dibakeng tse ding e le hore datha e ka bolokwa le ho sebetswa, ho phethisa dikopo tsa hao, le ho ophareita Epo ya Phuputso ya MindKind, webosaete le Phuputso. Ha re etsa jwalo, re imatahanya le ditlhokeho tsa melao e sebetsang e amanang le ho fetisa datha ya botho ho ya dinaheng tse ding ebile re tla sireletsa tlhahisoleseding eo jwalokaha ho hlalositswe Leanong lena la ho Boloka Lekunutu.

Ka ho sebedisa Epo ya Phuputso ya MindKind kapa ho nka karolo Phuputsong ena, o tla kopuwa ho dumela hore ho fetiswe datha ya hao ya botho e patilweng ka khoutu, ho kopanyelletsa le tlhahisoleseding ya hao ya bophelo bo botle le datha ya sebaka sa epo, ho ya dinaheng tse ka thoko ho naha eo o dulang ho yona, ho kopanyelletsa la United States. Haeba o dula kante ho United States mme o kgetha ho kenela Phuputso kapa ho re fa tlhahisoleseding, ka webosaete, Epo kapa ditsela tse ding, o dumela le ho utlwisisa hore tlhahisoleseding ya hao e tla fetiswa, e sebetswe le ho bolokwa naheng ya United States ha ho hlokahala.

Bao ho ka Ikopanngwang le Bona

Haeba o na le dipotso dife kapa dife, ditshwaelo kapa dikopo tse amanang le leano lena la ho boloka lekunutu kapa tsela eo re sebetsang tlhahisoleseding ya hao ka yona, ka kopopanyane le rona.

Sage Bionetworks ke molaodi wa tlhahisoleseding ya hao ha e bokellwa ebile e sebetswa ha ho buuwa ka ditsing kapa diwebosaeteng le ditshebeletsong tsa rona. Mohlanka wa rona wa Tshireletso ya Datha kapa Data Protection Officer (DPO) o ikarabella ka ho okamela seo re se etsang ka tlhahisoleseding ya hao le ho netefatsa hore re imatahanya le melao e sebetsang ya tshireletso ya datha. Motho a ka nna a ikopanya le Mohlanka wa rona wa Tshireletso ya Datha ka ho romela imeile ho privacyofficer@sagebionetworks.org kapa ho ngolla Sage Bionetworks, Attention: Data Protection Officer, 2901 Third Avenue, Suite 330, Seattle, WA 98121, United States of America.

Dintlafatso

Re ka nna ra ntlafatsa Leano la rona la ho Boloka Lekunutu nako le nako ho hlakisa kamoo re bokellang, re sebetsang, re bolokang, re sebedisang le ho senola tlhahisoleseding kateng. Re batla ho beha dintho pepeneneng kamoo ho ka kgonehang ka diphetoho tseo re di etsang Leanong la rona la ho Boloka Lekunutu. Re tla kenya dintlafatso tse nang le letsatsi la kgatiso. Haeba ho etsa diphetoho tse kgolo leanong lena la ho boloka lekunutu tse fetolang ditokelo kapa boikarabelo ba hao tlasa leano lena la ho boloka lekunutu, re tla

etsa maiteko a utlwahalang a ho o tsebisa. Ka mohlala, re ka nna ra romela molaetsa ho aterese ya hao ya imeile, haeba re na le yona faeleng, ho romela melaetsa e dulang e hlaha kapa ditsebiso tse tshwanang ha o fihlella Epo ya Phuputso ya MindKind kapa Phuputso ka lekgetlo la pele kamora ho etsa diphetoho tse jwalo tse kgolo. Haeba o nka karolo Phuputsong kapa o sebedisa webosaete ya MindKind, le/kapa Epo ya Phuputso ya MindKind kamora hore leano le ntjhafaditsweng la ho boloka lekunutu le e qale ho sebetsa, sena se bolela hore o badile, wa utlwisisa le ho dumellana le kgatiso e ntjhafaditsweng ya leano lena la ho boloka lekunutu.

Sehlomathiso sa Molao o Akaretsang wa Tshireletso ya Datha

Jwalokaha ho hlokwa ke molao tlasa Molao o Akaretsang wa Tshireletso ya Datha, o fuwa tlhahisoleseding e eketsehileng jwaloka monkakarolo phuputsong.

Ka lebaka la molao sebakeng sa heno, haholoholo Molao o Akaretsang wa Tshireletso ya Datha kapa General Data Protection Regulation (GDPR), motheo wa molao wa pokello le tshebediso ya datha ya hao ke tumello ya hao hammoho le thahasello ya setjhaba phuputsong e etswang.

Haeba hangata o dula sebakeng se ikamahanyang le Molao o Akaretsang wa Tshireletso ya Datha, o na le ditokelo tse itseng tse amanang le tshebetso ya tlhahisoleseding eo re e bokellang ho wena. Leha tse ding tsa ditokelo tsena di sebetsa ka kakaretso, ditokelo tse itseng di sebetsa feela maemong a itseng ka ho kgetheha. Re tla imatahanya le kopo ya hao ya ho sebedisa ditokelo tsa hao ntle leha re na le mabaka a utlwahalang a re qobellang ho qhela kopo ya hao kapa re ke ke ra imatahanya le kopo ya hao ka mabaka a molao. Re tla arabela kopo ya hao nakong ya kgwedi e 1 kamora ho e amohela.

- **O na le tokelo ya ho fihlella datha ya hao.** O ka re ngolla neng kapa neng ho kopa ho tseba hore na ke tlhahisoleseding efe ya botho eo re e tshwereng, e hokae hona ka lebaka lefe.
- **O na le tokelo ya ho lokisa.** Haeba tlhahisoleseding eo re e bokeletseng ho wena e na le phoso, o na le tokelo ya ho kopa hore e lokiswe. O ka re ngolla ho kopa hore tlhahisoleseding efe kapa efe ya botho e amanang le wena e lokiswe.
- **O na le tokelo ya ho phumula se ngotsweng.** O ka nna wa re kopa ho hlakola kapa ho tlosa tlhahisoleseding e itseng kapa yohle ya hao ya botho neng kapa neng.
- **O na le tokelo ya ho thibela tshebetso.** Neng kapa neng, o ka hula tumello ya hao ya ho sebetsa Datha ya hao ya Botho.
- **O na le tokelo ya ho nka datha ho e boloka sebakeng se seng.** O ka kopa kopi ya datha ya hao ka fomate e sebedisehang.
- **O na le tokelo ya ho hana.** O ka ikgula tabeng ya ho kenya datha Epong neng kapa neng.

Haeba o na le dipotso mabapi le ditokelo tsa hao le dintho tseo o ka di kgethang kapa o ka lakatsa ho fumana tlhahisoleseding e eketsehileng mabapi le ditokelo tsa hao le dintho tseo o ka di kgethang, o ka romela imeile ho privacyofficer@sagebionetworks.org.